



## Векало ПахIала коринтошкa яздина шолгIа кехат

*Векало ПахIала коринтошкa яздина шолгIа кехат* цаьрца шен йолу юкьаметтиг хала йолчу хенахь дахьийтина дара. Коринт-гIалин динан тобанехь цхьабарш чIогIа дуьхьалбевллера ПахIална. Делахь а ПахIала гойту, ша цаьрца чIогIа куьйге ваха лууш хилар а, ткъа иза хиллачул тIаьхьа ша чIогIа воккхавеш хирг хилар а.

Цу кехатан хьалхарчу декъехь (1–7 кортош) Коринт-гIаларчу динан тобанца йолчу шен юкьаметтигах лаьцна дуьйцу ПахIала. Динан тобанехь цхьаболчара шена йинчу кхиссаршна а, дуьхьалонна а ша делла жоп иштта чIогIа хIунда хилла кхетадо цо. Амма цуьнан жоп иштта чIогIа хиларна, уьш метта а баьккина, цуьнца куьйге бахана. Цундела ПахIал воккхавеш ву. Цул тIаьхьа (8–9 кортош) цо доьху оцу динан тобане ЯхIуд-махкарчу эшамехь болчу церан динан вежарийн дуьхьа комаьршаллица сагIанаш далар. ТIаьхьарчу кортошкахь (10–13 кортош) ша бакъволу векал хилар гойту ПахIала, хIунда аьлча Коринт-гIалахь цхьаболчара шайш бакъдолу векалш ду моттуьйтура, ПахIал харцвекал ву а бохуш.

### *Дешхьалхе*

**1** <sup>1</sup>Делан лаамца Дала леррина кьобалвинчу Иийсан векал волчу ПахIала а, вайн динан вашас Тимапис а, Делан долахь йолчу, Иийсах тешачеран Коринтерачу тобане а, берриге Ахай-махкахула Iаш болчу массо а Делан долахь болчаьрга а яздо хIара кехат.

<sup>2</sup>Вайн Да волчу Делера а, Веза Эла волчу, Дала леррина кьобалвинчу Иийсагара а долу дика а, синпаргIато а хуьлийла шуна.

### *ПахIала Далла баркалла алар*

<sup>3</sup>Декъала хуьлда вайн Веза Эла волчу, Дала леррина кьобалвинчу Иийсан Да волу Дела. Иза кьинхетаман Да а ву, массо а тайпанчу синтеман Дела а ву. <sup>4</sup>Цо вайн муьлххачу а гIайгIанехь вайна синтем ло, Цо вайна

беллачу оцу синтемца муьлххачу а гIайгIанехь болчу кхечарна а вайгахула синтем хилийтархьама. <sup>5</sup>Дала леррина Кьобалвинчуьнца вай боькзюш болу Цуьнан лазамаш алсамбийларе терра, Цо вайна луш болу синтем а алсамбуьйлу. <sup>6</sup>Оха баланаш хьобгуш хилча – иза шун синтеман а, кIелхьардовларан а дуьхьа ду. Тхо догъобьцунш хилча – иза шун синтеман дуьхьа ду, хIунда аьлча оцу синтемо шуна чохь доьналла кхуьуьйту, оха хьобгуш болу баланаш шуьга а хьегийтархьама. <sup>7</sup>Тхо чIогIа тешна ду шух, хIунда аьлча тхуна хаьа, нагахь оха хьобгу баланаш шуьца бекъалуш хилча, тхан деган синтем а бекъало шуьца.

<sup>8</sup>Динан вежарий, оха Асия-махкахь хьегна баланаш шуна ца бовзуйтуш Iан ца лаьа тхуна. Тхаш дийна дуьсур дац моттал холчу хIиттийнера тхо. Уьш лан тхан ницкъ ца кхаччал, сов баккхий бара и баланаш. <sup>9</sup>Тхайн дагахь-м тхашна даларан кхел йина моьттуш дара тхо. Иза хиллера, тхо тхайх тешна а доцуш, амма белларш а юхаденбеш волчу Делах тешна хилийтархьама. <sup>10</sup>Дала оцу даларан боккхачу кхерамах кIелхьардохира тхо, Цо кIелхьардохур а ду. Хинца чул тIаьхьа а Цо кIелхьардохур ду аьлла, тешна а ду тхо. <sup>11</sup>Тхуна тIера доIанаш а деш, цу гIуллакха тIехь аша гIо до тхуна. Иштта, дукхахболчу наха деш долчу доIанашка Дала ладогIарна, Цо тхо декъалдийр ду. Ткъа цундела дуккха а долчу халкъо Далла хастамаш бийр бу.

### *ПахIала Коринте ца ваха сацам бар*

<sup>12</sup>Оха дозалла а до, тхан дегнаша тоьшалла а до, дуьнен тIехь тхо лелар а, шуьца йолу юкьаметтиг а Далла хьалха догIена а, хIумма а кьайла ца доккхуш а хилла аьлла. Ткъа иза адаман хьекьалца а доцуш, Делера долчу диканца дара. <sup>13-14</sup>Цундела и кехат дешча, шу кхетар доцу хIума ца яздо оха. Сан дегайовхо ю, цхьадолчух-м шу хIинцале а кхетта хиларе терра, шу тхоч кхоччуш кхетарг хиларх, вайн Веза Эла волчу Иийсан дийнахь оха шух дозалла дийриг хиларе терра, аша а тхоч дозалла дийриг хиларх.

<sup>15</sup>Ишттачу тешарца со дагахь вара уггар хьалха шу долчу ван, шун шолгIа а декъалалла хилийтархьама. <sup>16</sup>Со Македоне воьдучу хенахь шу долчухула а ваьлла, тIаккха, юхавоьрзуш, юха а шу долчу ван ойла яра сан, шуьга со ЯхIуд-махка новкъа а воккхуьйтуш. <sup>17</sup>И Iалашо сайна хьалха хIоттош, аса ойла а ца еш-м ца дина те иза? Я аса, кху дуььнарчара санна, сайгара олу ткъа цкъа «хIаь», тIаккха «хIан-хIа»? <sup>18</sup>Дела тешаме хиларх чIагIо а еш, боху аса, оха шуьга бохург дацара цхьана метта цкъа «хIаь», тIаккха «хIан-хIа». <sup>19</sup>ХIунда аьлча шуна юкьахь Цунах лаьцна оха – аса а, Салис а, Тимапис а – хьехамаш бина волу Делан КIант, Дала леррина кьобалвина Иийса, ма вацара цхьана хенахь цкъа «хIаь», тIаккха «хIан-хIан» олуш. Цуьнгахула Делан «хIаь» хилла дIахIобьтира. <sup>20</sup>ХIунда

<sup>1:1</sup> Векалийн 18:1.

<sup>1:8</sup> 1 Коринтошкa 15:32. <sup>1:16</sup> Векалийн 19:21. <sup>1:19</sup> Векалийн 18:5.

аьлча Дала мел дина ваИданашна дуьхьал Дала леррина Къобалвинчуьнгахула «хIаь» ду. Цундела Делан сийлаллина Дала леррина Къобалвинчуьнгахула вай «Амин» олу. <sup>21</sup>Шуьца цхьаьна тхо Ша леррина Къобалвинчух тешаш чIагIдина лоттуьйтуш Верг — Дела ву. Цо вай къобал дина, <sup>22</sup>Шен мухIар тIетохарца вай къаста а дина, Ша лур ду аьлла динчу закьалтана Шен Са делла Цо вайн дегнаш чу.

<sup>23</sup>Далла хьалха сайн дахарх чIагIо йо ас, со хIинцалц Коринте цаваран бахьана шу кхоош хилар ду аьлла. <sup>24</sup>Иза дац шун тешарна тIехь олалла до бохург. Амма шун дакхийдер хилийта шуьца цхьаьна гIуллакх деш ду тхо, хIунда аьлча шайн тешар тIехь чIагIо йолуш ду шу.

**2** <sup>1</sup>Аса сайн дагахь сацам бира, со шу долчу вогIуш, юха а шун дог дохош ца ван. <sup>2</sup>ХIунда аьлча аса юха а шун дог дохийча, хьан дийр дара суна хазахетар, аса халахетийтина долчу шу доцучара? <sup>3</sup>Оцу дерригенах а лаьцна аса яздира шуьга, со веанчу хенахь шуьгара хазахетар лобхучу сайна халахетар ца хилийта. Со шух массарах тешна ву, сан хазахетар шуна а массарна хазахетар ду аьлла. <sup>4</sup>Аса боккхачу дегалазамца, дегаIаткьамца, дуккха а долу сайн бIаьрхишца яздинера шуьга и кехат. Иза шун дог лазорхьама яздина дацара. Шуьга болу сайн тIехь боккха безам шуна бовзийта яздинера аса иза.

#### *Вовшашна кьинтIерадовла дезар*

<sup>5</sup>Нагахь цхьаммо дог дохийнехь а, цо сан дог ца дохийна, амма цхьана декьана шун массеран а дохийна, тIехь луьра ца олуш дитича. <sup>6</sup>Дукхахболчара дина таIзар тоьар ду иштта волчунна. <sup>7</sup>Цундела шуна гIолехь ду, хIинца цунна кьинтIера а девлла, цуьнан догъэцца, иза йоккхачу гIайгIане ца вахийта. <sup>8</sup>Аса доьху шуьга цундела, цуьнга шайн безам хилийтар. <sup>9</sup>Иза аса яздинера, шу зийначул тIаьхьа, шу массо а хIуманна тIехь соьга ладугIуш дуй те хьажархьама. <sup>10</sup>Шу кьинтIера девллачунна со а ваьлла, хIунда аьлча со хIуманна кьинтIера вала везаш хилча а, аса иза шуна диканна дина Дала леррина Къобалвинчунна хьалха, <sup>11</sup>иблисе цхьана а тайпанчу мекарлонца шуна тIехь толам ца баккхийтархьама. Вайна-м цуьнан лаамаш бевзаш ма бу.

#### *Троя-гIалахь ПахIалан синтем бар*

<sup>12</sup>Дала леррина Къобалвинчух болу хаза кхьаь дIакхайкхо Троя-гIала со веанчу хенахь, Везачу Эло суна цигахь кхьаьгега неI дIайиллира. <sup>13</sup>Амма со синтем байна вара, хIунда аьлча цигахь суна сайн динан ваша волу Тита ца карийра. И бахьанехь, церан Иудика а йина, со Македоне вахара.

<sup>2:12, 13</sup> Векалийн 20:1.

#### *Дала леррина Къобалвинчуьнгахула толам баккхар*

<sup>14</sup>Амма Далла баркаллаш бохийла вай! Ша леррина Къобалвинчуьнгахула вайна тIехь толам а баьккхина, муьлххачу хенахь а вай толаман тобанехь лоблуйту Цо. Дала леррина Къобалвинарг воззаран хаза хьожавайгахула массанхьа а дIасаяржайо Цо. <sup>15</sup>КIелхьарбовларан некъа тIе бевлачарна а, хIаллакьхиларан новкъахь болчарна а юкьахь Дала леррина Къобалвинчо Далла доккху хаза хьожавайголу сагIа санна ду вай. <sup>16</sup>ХIаллакьхиларан новкъахь болчарна иза Иожаллин хьожавайголу уьш валаре а буьгуш. Ткъа кIелхьарбовларан новкъахь болчарна иза хаза хьожавайголу уьш дахаре а буьгуш. Хьаьнга далур дара и дерриге а? <sup>17</sup>Делан дош талхадечу дукхахболчаьрца тхо нисдан йиш яц. Мелхо а, оха и дош догахь а, Делан цIарах а, Цунна хьалха а кхайкхудо, Дала леррина Къобалвинчуьнца доьзна а долуш.

#### *Дала адамашца бина керла барт*

**3** <sup>1</sup>Тхо юха а тхьаьш хесто дуьйлада деза те? Цхьаболчу нахана юкьахь ма-хиллара, вайна юкьахь а лела деза те шуьга дIа я шуьгара схьа долухеста даран кехаташ? <sup>2</sup>Шу шаьш ду тхан дегнаш чохь дIаяздина долухеста даран кехат. Иза массо а адамна девзаш а ду, массара доьшуш а ду. <sup>3</sup>Аша гойту Дала леррина Къобалвинчун кехат шаьш хилар, оха динчу гIуллакхан жамI долу. И кехат шекьанца доцуш, ткъа дийна долчу Делан Синца яздина ду. ТIулга тIехь яздина доцуш, ткъа адамиьн дегнаш чохь яздина ду иза.

<sup>4</sup>Оцу тайпана болу Делах тешам бу тхан Дала леррина Къобалвинчуьнгахула. <sup>5</sup>Цхьа хIума дан похIма тхайгара ду-м дера ца моьттура тхуна, ткъа тхан и похIма Делера ду. <sup>6</sup>Цо Ша делла тхуна похIма керлачу а, йозанца боьзна а боцуш, ткъа синца боьзна болчу а бартана гIуллакх дан. ХIунда аьлча йозанца яздинчо адам доь, ткъа Делан Сино адам дендо.

<sup>7</sup>Шайца валар дахьаш долу, дешнашца тIулга тIехь яздина дерг хилла дIахIобтгича, Делан сийлалла гучудаьккхира. Израилхой ур-атталла Муса-пайхамаран сийлаллин нур лепачу юьхь тIе ца хьажалора, и нур лагIлуш хиллехь а. Иза а иштта сийлалла долуш хилча, <sup>8</sup>цул дуккха а сов сийлалла долуш хир дац ткъа Делан Сино дийриг?! <sup>9</sup>Кхелъярца чекхдолуш дерг а оццул сийлалла долуш хилча, мел тIехь сийлалла долуш ду Далла хьалха адам бакьдарца чекхдоккхург. <sup>10</sup>ХIунда аьлча оцу хенахь сийлалла долуш хилларг хIинца долчул сов долчу сийлалло кхоблина хуьлуйту. <sup>11</sup>Нагахь дIадер дерг а сийлалла долуш хилча, тIаккха хIара цкъа а дIадер доцург кхин а сийлалла долуш ду.

<sup>3:3</sup> Арадаккхар 24:12; Ярми-ЯхIу 31:33; Яхьазкхиал 11:19; 36:26. <sup>3:6</sup> Ярми-ЯхIу 31:31.

<sup>3:7</sup> Арадаккхар 34:29.

<sup>12</sup>Тхайн иштта сатийсар долу дела, майрра къамел дан йиш ю тхан. <sup>13</sup>Исраилан халкъ довр долчу сийлаллин нуьре ца хъежийтархъама, шен юьхь-дуюьбал пардо уллуш хилла волю Муса-пайхамар санна ма дац вай. <sup>14</sup>Амма церан хъекъал артдина дара. Делаца бинчу ширачу бартах лаьчна долу тептарш шашь доьшучу хенахь, и санна долу пардо церан кхетамна дуюьбалара д'адаккхазу дуюьсу. Ткъа нагахь санна стаг Дала леррина Къобалвинчуьнца воьзна бен вацахь, и пардо д'адоккху. <sup>15</sup>Таханлерчу дийнахь а Муса-пайхамаран Товрат-хъехамаш адамаша боьшуш церан дегнаш т'ехь пардо хуьлу. <sup>16</sup>Йозанашкахь яздина ма ду: «Иза Везачу Эলেখь мосазза воьрзу, и пардо д'адоккхура»\*. <sup>17</sup>Веза Эла – Са ду. Ткъа Везачу Элан Са долчоьхь – парг'ато а ю. <sup>18</sup>Ткъа вай массара а дуюьбал пардо доцу-чу яхъашца, куьзгано санна, Везачу Элан сийлалла д'агойту. Массо а хенахь вайн сийлалла сов а йоккхуш, вай Цуьнан васте хуьйцуьйтуш ду Делан Са долчу Везачу Эло.

*Кхийрачу кхаби чохь йолу хазна*

**4** <sup>1</sup>Делан къинхетамца оцу тайпана долу г'уллакх дан тхайн йиш хиларна, тхо дог доьхна дац. <sup>2</sup>Мелхо а, оха дитина массо а къайлаха а, эхь а долу г'уллакхаш. Нах Iеа а ца бо, Делан дош харцахь а ца доккху оха. Ткъа тхаьш билггал бакъдерг адамашна д'аделларна, Далла хьалха х'ора адаман эхь-бехкана оха д'агойту тхаьш муьлш ду. <sup>3</sup>Нагахь оха кхайкхош болчу хазачу кхоана дуюьбал цхьанна пардо х'уттуш делахь, иза валаран некъа т'ехь болчарна ду иштта. <sup>4</sup>Бакъволчу Делах ца тешачеран хъекъал б'арздина кху дуьненан харцдала, Делан вастехь волчу Дала леррина Къобалвинчун сийлаллех лаьчна болчу хазачу кхоан серло царна ца гайтархъама. <sup>5</sup>Оха беш болу хъехамаш тхайх лаьчна бац, амма Веза Эла волчу, Дала леррина къобалвинчу Ийсах бу. Ткъа тхо Ийсан дуюьхь шун ялхой ду. <sup>6</sup>Х'унда аьлча: «Боданера серло схьакхетал!» – аьлла волчу Дала тхан дегнаш серладаьхна, Ша леррина къобалвинчу Ийсан юьхь т'ехь лепаш йолчу Делан сийлаллех болчу кхетаман серло вайн хилийтархъама.

<sup>7</sup>Ткъа и хазна оха тхешан кхийра кхабанаш чохь лелайо. Иза ду т'ехь боккха болу ницкъ, тхоьгара а боцуш, Делера хилар хаййтархъама. <sup>8</sup>Тхуна массо а аг'ор кест-кеста ницкъ бо, амма тхо кхоччуш хьаьшна д'а ца даьхна. Наггахь холчу х'иттадо тхо, амма оха дог ца дуьллу. <sup>9</sup>Тхо лелхадо, амма дитина дац тхо. Тхо охьадохку, амма тхо х'аллак ца хуьлу. <sup>10</sup>Ийсан валар гуттара а тхешан дог'Имашца леладо оха, Цуьнан дахар тхайн дог'Имашкахула гучудаккхархъама. <sup>11</sup>Х'унда аьлча дийна долуш Ийсан

\* <sup>3:16</sup> *16-г'а аят иштта гочдан мегар дара:* «Стаг Везачу Эলেখь мосазза воьрзу, и пардо д'адоккху».

дуюьхь х'ора денна а Южаллин кхерамехь хуьлу тхо, тхайн лийр долчу дог'Имашкахула Цуьнан дахар гучудаккхархъама. <sup>12</sup>Цу тайпана Южалла шен Iалашо тхуна т'ехь кхочушг'ян г'ерта, дахар шуна кхачийтархъама.

<sup>13</sup>Йозанаш т'ехь яздина ду: «Со тешаш хиларна, со вистхилира». Тхешан тешаран дух цу дешнашца цхьаьнадог'уш долу дела, тхо а, теша а тешаш, дистхуьлу, <sup>14</sup>тхаьшна хаьа дела, Веза Эла волю Ийса веллачуьра Денвинчо тхо а Цуьнца дендийр дуйла, шуьца цхьаьна тхо Шена хьалха д'а а х'иттош. <sup>15</sup>Оха и дерриг а шун дуюьхьа деш ду. Ткъа иза а деш, Делан дика дуккха а адамашна д'акхочу, Делан сийлаллина Далла боху баркаллаш алсам а довлуьйтуш.

*Тешарца лела*

<sup>16</sup>Цундела тхан дегнаш ца духу. Вайн дог'Имаш тишлуш делахь а, вайна чуьра са де дийне мел дели а карладуьйлу. <sup>17</sup>Йоцпачу ханна тхан хуьлчу баланаша, цкъа а йовр йоцу сийлалла яхьар ю тхуна. И сийлалла барам боцуш совьюьйлу оцу баланел. <sup>18</sup>Тхо гуш долчуьнга ца хьоьжу, амма гуш доцучуьнга хьоьжу. Х'унда аьлча гуш дерг цхьана заманна бен дац, ткъа гуш доцург гуттара а хир ду.

**5** <sup>1</sup>Иштта, вайна хаьа, кху лаьттахь вайн четар санна долу х'ара дог'Имаш х'аллакхилча, Дала луш долу стигалшкара ц'а вайн хилар. Иза куьйг'а дина а доцуш, гуттара а хин долу ц'а ду. <sup>2</sup>Вешан х'инца долчу дог'Имашкахь вай сатийсарца синош доху, стигалшкара долу вайн керла ц'а, бедар санна, ваьшна т'едухар лууш. <sup>3</sup>И духар ваьшна т'едухийтинчул т'аьхьа, вай дерзина карор ма дац! <sup>4</sup>Лаьттара четарш санна долчу х'окху дог'Имашна чохь а долуш, баланаша ницкъ барна синош доху вай. Х'унда аьлча вайна ца лаьа т'еюьйхина х'ума йоцуш ваьш хуьлийла, амма стигалшкара долу керла духар ваьшна т'едухийтина хила лаьа вайна, дахаре лен дерг д'акхаллийтархъама. <sup>5</sup>Оцу г'уллакхна кхоьल्लीна ду вай Дала. Цо Шен Са делла вайна закъалтана.

<sup>6</sup>Цундела тхо массо а ханна тешам болуш ду, ц'енош санна долчу оцу дог'Имашна чохь а долуш, Везачу Элана уллохь долчу тхайн керлачу ц'еношна генахь хилар тхаьшна хуьушехь. <sup>7</sup>Х'унда аьлча тхо, гуш долчуьнца а доцуш, тхешан тешарца дехаш ду. <sup>8</sup>Иштта, доьналла а долуш, лаьттарчу дег'ана чуьра а кхелхина, Везачу Элана уллохь Iаш хилар г'олехь ма хета тхуна. <sup>9</sup>Цундела тхуна, дог'Имашна чохь долуш я царна чуьра кхелхина долуш, Везачу Элана тамехь дерг хилийта лаьа. <sup>10</sup>Х'унда аьлча вай дерриш а Дала леррина Къобалвинчун кхелана хьалха д'ах'итта дезаш ду. Вайх х'ораммо а ваьш кху дег'а чохь дехачу хенахь динчуьнга хьаьжжина, дика я вон и делахь, дог'Иург схьаоьцур ду.

*Дала леррина Къобалвинчуьнгахула Делаца болу барт*

<sup>11</sup> Везачу Элах кхерар хIун ду тхайна хаьа дела, адамаш кхето гIерта тхо. Далла тхох лаьцна дерриг а хаьа. Тхох лаьцна долу дерриг а шуна а хууш хиларе сатуьйсусуш ву со. <sup>12</sup> Оха юха а хестош дац тхаьш шуна хьалха. Ткъа оха тхайх дозалла дан таро ло шуна. Иза оха ло, даг чохь долчух дозаллаш ца деш, ткъа тIехула долчу хIуманех дозаллаш деш болчаьрга дуьхьал ала шун хIума хилийтархьама. <sup>13</sup> Тхо хьекьалх девлча, иза Делан дуьхьа ду. Ткъа тхо хьекьале даьхкича, иза шун дуьхьа ду. <sup>14</sup> ХIунда аьлча Дала леррина Къобалвинчун безамо лелаш ду тхо. Нагахь Цхьаь массеран а дуьхьа велла хилча, тIаккха, массо а адам делла аьлла, жамI ма дина оха. <sup>15</sup> Иза массеран а дуьхьа велла, дехаш долу адамаш хIинца шайн дуьхьа а доцуш, амма, вала а велла, веллачуьра денвина волчун дуьхьа дахийтархьама.

<sup>16</sup> Цундела хIинца дуьйна цхьа а адам кху дуьнен чуьра болчара санна ца лору оха. Нагахь Дала леррина Къобалвинарг оха кху дуьнен чуьра болчара санна лерина хиллехь а, хIинца оха иштта кхин ца лору Иза. <sup>17</sup> Иштта, Дала леррина Къобалвинчуьнца верг – юхакхоьлинарг ву. Шира дахар дIадаьлла, хIинца керланиг хилла дIахIоьттина! <sup>18</sup> Ткъа и массо а хIума Делера схьа ду. Дала Ша леррина Къобалвинчуьнгахула вай Шеца тайтира. Цо тхуна тIе диллина адамаш Шеца таран гIуллакх. <sup>19</sup> Адамаша летийна кьинош царна дуьхьал ца лоруш, Ша леррина Къобалвинчуьнгахула дуьне Шеца тойтуш вара Дела. Дала тхуна тIедиллина адамаш Шеца тойтуш болу и кхаь дIакхайкхор.

<sup>20</sup> Тхо Дала леррина Къобалвинчун цIарах дахийтинарш ду, ткъа Дала Ша тхоьнгахула шуьга хаам беш санна хуьлу. Дала леррина Къобалвинчун дуьхьа доьху оха шуьга: «Делаца шаьш тайтийша!» <sup>21</sup> Шена тIехь цхьа а къа доцуш Верг Дала вайн дуьхьа кьинош летийнарг санна вира, Ша леррина Къобалвинчуьнгахула вайх Шена хьалха бакьдинарш хилийтархьама.

**6** <sup>1</sup> Делаца цхьаьна къахьобьгуш долчу оха чIогIа дехар до шуьга, Делера шаьш тIеэцна долу дика эрна ма хилийтийша. <sup>2</sup> ХIунда аьлча Дала аьлла:

«Халкъе Со резахиларца хьобьжучу заманчохь  
Суна хьан аз хезира,  
кIелхьардоккхучу дийнахь  
Аса гIо дира хьуна».

Ткъа хIинца тIеена Дела вайга резахиларца хьобьжу и зама, хIинца ду и кIелхьардовларан де.

<sup>3</sup> Цхьана а хIуманна тIехь цхьанна а вас хилийта бахьана ца хуьлуйту оха, тхаьш деш долу гIуллакх емал ца дайтархьама. <sup>4</sup> Мелхо а, массо а

<sup>6:2</sup> ЕшаI-ЯхIу 49:8.

агIор Далла гIуллакх дийраш санна тхаьш хилар гойту оха: баланаш а, халонаш а, бохамаш а доьналлица тхаьш ловш. <sup>5</sup> Иза оха гойту тхайна ет-тачу хенахь, тхо набахти чохь дохкуш, карзахбевллачу наха тхо лелхийна лелош, тхаьш къахьобьгуш, буьйсанна наб яйна лелаш, мацалла ловш. <sup>6</sup> Иштта, тхайн цIеначу дахарца, кхетамца, собарца, эсала хиларца, Делан Синца, шалхонаш йоцучу цIеначу безамца, <sup>7</sup> билггал бакьдерг кхайкхорца, Делан ницкъаца гойту оха иза. Бакьваран герз тхан аьтту а, аьрру а куьйгашкахь ду. <sup>8</sup> Тхан ларам а бо, тхо сийсаза а доху. Тхуна лен а лъ, тхо хеста а до. Тхох харцлуйьш дерш до, амма тхо бакьонца лела. <sup>9</sup> Тхо гIарадевлла доцуш лору, амма тхо массарна а девза. Тхо делла лору, ткъа тхо лан а ца ле. Тхуна луьра таIзар до, ткъа тхо дайа а ца дойу. <sup>10</sup> Тхуна халахетарш до, ткъа тхо гуттара а самукьане ду. Тхо кьен ду, амма дуккха а болчарна хьал ло оха. Тхан хIумма а яц, амма массо а хIуманан дай ду тхо.

<sup>11</sup> Коринтхой! Оха цIеначу дегнашца къамел до шуьца. Тхан дегнаш дIаделладелла ду шуна. <sup>12</sup> Тхо шух дIа ца къехка, ткъа шу шайн дегнашкахь тхох дIакъехка. <sup>13</sup> Аса сайн берашка санна боху шуьга: «Шайн дегнаш дIа а деллий, тхо шайца ма-хиллара, хилийша шу а тхоьца».

*Дийна волчу Делан цIа хилар*

<sup>14</sup> Иийсах тешар доцучаьрца цхьана дукъа кIел ма лелийша. ХIун юкъаметтиг ю те бакьдолчунна а, харцдолчунна а юкъахь? ХIун уьйр ю те серлонна а, боданна а юкъахь? <sup>15</sup> ХIун барт бу те Дала леррина Къобалвинчунна а, иблисана\* а юкъахь? ХIун цхьаалла ю те тешаш волчунна а, тешаш воцчунна а юкъахь? <sup>16</sup> ХIун цхьаьнадогIург ду те Делан цIена а, цIушна а юкъахь? Тхо дийна волчу Делан цIа ма ду! Дала Ша ма-аьлла:

«Царна юкъахь вехар ву Со,  
уьш болчохь лелар ву Со.  
Со церан Дела хир ву,  
ткъа царех Сан халкъ хир ду».

<sup>17</sup> Цундела Везачу Эло боху:

«Царна юкъара дIа а довлий,  
царах дIакъасталаш.  
Суна хьалха боьха долчу хIуманаш ма хьакхалойша,  
тIаккха Аса тIеобьцур ду шу».

\* <sup>6:15</sup> *Иблис* – ма-дарра аьлча: *Белиар*. Иза иблисан цу заман чохь лелачу цIерех цхьаь ю.

<sup>6:5</sup> Векалийн 16:23. <sup>6:16</sup> 1 Коринтхошка 3:16; 6:19; Iамальяр 26:12; Яхьазкхиал 37:27. <sup>6:17</sup> ЕшаI-ЯхIу 52:11.

18 «Со шун Да хир ву,  
ткъа шу Сан кЕнтий а, йоІарий а хир ду, —  
боху массо а ницкыйн Везачу Дала».

**7** <sup>1</sup>Сан хьоме доттагИий! Дала вайна и ерриге а чІагІонаш йина дела, вешан догІмаш а, синош а бехдеш мел долчух цІанде вай. Деле болчу ларамах дуьзна а долуш, чекхдовлалц ваьш Цунна дІало вай.

*ПахІалан хазахетар*

<sup>2</sup>Тхо шайн дегнаш чу тардалийтийша! Оха цхъанна а вониг ца дина, цхъа а дакъаза ца ваьккхина, цхъаьнгара а тхайна пайдехь дерг а ца лехна. <sup>3</sup>Шух бехк баккхархъама ца боху аса иза. Аса хьалха а аьллера, шувца цхъаьна даллал а, дехаш хиллал а шу тхан дегнаш чохь ду. <sup>4</sup>Сан шувца майра дийца йиш ю. Мел дозалла до аса шух. Тхаьш оццул баланехь доллушехь, аша динчу иракарахІитторах вуьзна а ву со, сан хазахетар тІех а даьлла.

<sup>5</sup>Тхо Македоне даьккинчу хенахь, цхъана а тайпана синтем бацара тхан. Массо а агІор ницкъ хиллера тхуна, арахула тІебеана цатемаш а, тхешан чохь болу кхерамаш а бахъана долуш. <sup>6</sup>Амма Шена муьтІахь болчарна синтем луш волчу Дала, Тита схъа а кхачийна, тхан синош паргІатдехира. <sup>7</sup>И синтем хилар, Тита схъакхачарна хилла а ца Іаш, аша цуьнан догъэцарна а дара. Цо дийцира, шу тхо ган лууш хиларх а, шайгара мел даьллагунна шу дохкодовларх а, со ларван шу кийча хиларх а лаьцна. Цундела со кхин а чІоГІа дог айаделла вара.

<sup>8</sup>Сайн кехатца айса шуна халахетийтарна со дохковаьлла хиллехь а, хІинца айса и яздарна дохко ца волу со, цу кехато шуна халахетар кІеззиг йолчу ханна бен ца дина дела. <sup>9</sup>Сан хІинца долу хазахетар шуна айса халахетар дина аьлла дац, амма оцу халахетарехула, метта а даьккина, Далла тІе-дерзар шун хиларна ду. Шун халахетар Делан лаамехь хилла дара, цундела тхох цхъана а тайпана зулам ца даьлла шуна. <sup>10</sup>Делан дуьхъа хиллачу гІай-гІано кІелхьарвалар хуьлуйтуш долу Далла тІеверзар до — и хиларна, стаг дохко ца волу. Ткъа дуьненан гІайгІано Іожалла тІейоуйту. <sup>11</sup>Хьовсийша, Делан дуьхъа шуна хиллачу халахетаро шу мел доггах дІагІоьртууйту. Иза дина а ца Іаш, шу бехке цахилар шуна дІахайта лаар дойту цо. Ткъа, цул сов, мел эргІаддевлла а, аша мел орца доху а, со ган шун мел боккха лаам бу а, мел чІоГІа шу тІедирзина а, царна таІзар хиларна шу мел кийча ду а хайитина цо. Массо а оцу хІуманна тІехь шаьш цІена хилар гайти аша.

<sup>12</sup>Айса иштта яздинехь а, вониг далийтинчун я шена вониг хиллагун дуьхъа ца яздинера аса шувга, амма Далла хьалха аша тхан мел гІайгІа бо шуна дІаделладалийтархъама яздинера. <sup>13</sup>Цундела тхуна синтем хилира.

<sup>6:18</sup> Дауд 7:14; 1 Шерашкахь 17:13; ЕшаІ-ЯхІу 43:6; Ярми-ЯхІу 31:9. <sup>7:5</sup> 2 Коринтхошка 2:13.

Тхуна, синтем хилла а ца Іаш, кхин а доккха хазахетар хилира Титин хазахетар бахъана долуш, аша массара а цуьнан са иракарахІотторна. <sup>14</sup>Цу тайпана аша юьхьІаьржачу ца хІоттий со, дозаллица шух лаьцна аса цуьнга дийцинчунна тІехь. Мелхо а, массо а хІуманна билггал бакъ-дерг оха шувга дийцаре терра, Титина хьалха аса шух дина дозалла бакъ хили. <sup>15</sup>Шун массеран а муьтІахь хилар а, кхерамца а, дегадарца а аша ша тІеэцар а дагадеача, кхин а чІоГІа шух дог дІаийна хуьлу цуьнан. <sup>16</sup>Со чІоГІа воккхавеш ву, массо а хІуманна тІехь а шуна тІетовжа сайн йиш хиларна!

*Комаьршаллица сагІина хІума ялар*

**8** <sup>1</sup>Ткъа хІинца, динан вежарий, оха дІахоуйту шувга Македон-маккарчу динан тобанашна Дала деллачу диканнах лаьцна. <sup>2</sup>Шаьш баккхий баланаш хьобгуш боллушехь, цу тобанийн доккха хазахетар а, йоккха кьоблла а хьалдолчу комаьршалле делира. <sup>3</sup>Со теш ву цара доггах, шайн дала йиш йолччул а, сов а деллагунна. Шайн лаамца <sup>4</sup>цара чІоГІа дийхира тхобга, шайна там хилийтархъама, Ярушалаймехь болчу Делан нахана дан леринчу дикачу гІуллакхехь шайга а дакъалацийтахъара бохуш. <sup>5</sup>Тхуна хила ма-лаьара хилла а ца Іаш, уьш хьалха Везачу Элана тІе а боьрзура, тІаккха Делан лаамца шаьш тхуна кьобал а бора. <sup>6</sup>Цундела оха Тите чІоГІа дийхира, ша долийна долу и дика гІуллакх доладаре терра, чекхдаккха а шуна гІо де аьлла. <sup>7</sup>Ткъа шун кхиамаш алсамбуьйлу тешарехь а, дашехь а, кхетамехь а, даггара хиларехь а, шайн тхобга болчу безамехь а\*. Массо а оцу гІуллакхашца шу тІехдуьйлуш хиларе терра, шаьш дечу оцу дикачу гІуллакхна тІехь а тІехдовлуш хуьлийла шу.

<sup>8</sup>Иза шуна тІедуьлуш ца боху аса, амма, кхиболчеран даггара хилар а гойтуш, шун безам билггал доггах буйла зуьйш ву со. <sup>9</sup>ХІунда аьлча вайн Веза Эла волчу, Дала леррина кьобалвинчу Гийсан дика девза шуна. Ша хьал долуш воллушехь, шун дуьхъа кый а велла, Шен кьоблла бахъана долуш шу хьал долуш хилийтархъама, дина Цо иза.

<sup>10</sup>Цу тІехь шуна пайденна долу цхъа хьехар до аса, хІунда аьлча стохка и дика гІуллакх долийна а ца Іаш, и доло лаам а хилла шун. <sup>11</sup>Шаьш дан долийна гІуллакх хІинцехь кхочуше. Цу тайпана шун хІетахьлерчу доггах хиллачу лаамах тарлур ду шайн долчу хьолах цу гІуллакхна аша даккъа дІадалар. <sup>12</sup>Нагахь цхъаь шен хІума дІадала доггах лаам болуш веллахь, Дала иза, цуьнан дала йолчу тароне хьаьжжина, тІеобьцур ду, дала таро йоцург ца хьехош.

\* <sup>8:7</sup> Шайн тхобга болчу безамехь. Цхьалдолчу тептарш тІехь иштта ду: тхан шувга болчу безамехь.

<sup>8:1-4</sup> Римхошка 15:26.



<sup>13</sup> Шуна хало еш, ткъа кхечеран аьтто хилийта деш дац иза, амма массарна а цхьабосса хилийтархьама деш ду. <sup>14</sup> Хинца шун совдаьллачо церан кхачамбацар меттахЮттор ду. Ткъа тӀаьхьо церан совдаьлларг шун эшам болчун метта хир ду. Цу тайпана шуна массарна а иза цхьабосса хир ду. <sup>15</sup> Делан Йозанаш тӀехь яздина ма-хиллара: «Дукха гулдиначун совнаха а ца хуьлура, ткъа кӀезиг гулдиначунна тӀеобьшур а ца хуьлура».

*Тита а, цуьнца цхьаьна гӀуллакх дийраш а*

<sup>16</sup> Тхуна санна, Титин даг чу а шуна гӀо дан лаам тесна волчу Далла баркалла боху оха. <sup>17</sup> Тхан дехар тӀеэчна а ца Іаш, Тита, шен а боккха лаам хиларна, шен деган лаамца дӀавогу шу долчу. <sup>18</sup> Хаза кхаь дӀакхайкхор баханехь, массо а динан тобанашкахь хестош волу кхин а цхьа динан ваша дӀавоуйту оха цуьнца. <sup>19</sup> Цул сов, и дика гӀуллакх дарна тӀехь тхуна улловаккха хьаржина ву иза динан тобанашна юкьара. Тхьаш гӀо дан кийча хилар гойтуш, Везачу Элан сийлаллина кхочушдо оха и гӀуллакх.

<sup>20</sup> ХӀара гулдина доккха хьал баханехь, цхьаннан а тхьашна тӀехтохам ца хилийта ларлуш ду тхо. <sup>21</sup> ХӀунда аьлча Везачу Элана хьалха хилла а ца Іаш, адамашна хьалха а оьзда дерг дан дагахь ма ду тхо.

<sup>22</sup> Тхайна юкьара кхоолгӀа динан ваша а воуйту оха цаьрца цхьаьна. Дукхазза а массо а тайпана гӀуллакхашна тӀехь зийча, иза чӀогӀа кийча хилар зеделира тхуна. Иза хӀинца кхин а чӀогӀа лууш ву шу долчу ван, ша шух кӀорггера теша дела. <sup>23</sup> Титех лаьчна аьлча — иза сан юххера стаг ву, шуна гӀуллакх дарехь соьца цхьаьна кхьаьобгуш волу. Ткъа кхечу тхан динан вежарех аьлча — уьш Дала леррина Кьобалвинчунна сийлалла яхьаш болу динан тобанашна юкьара кьобалбинарш бу. <sup>24</sup> Цундела динан тобанашна хьалха тоьшаллаш дейша шайн безамах лаьчна, оха хьакь долуш шайх дозалла дар а гойтуш.

*Динан вежарина деш долу гӀо*

**9** <sup>1</sup> Бакьдерг аьлча, аса-м шуьга яздан а ца оьшу Делан нахана гӀо дан дезарх лаьчна. <sup>2</sup> Шун доггах хилар а гуш, шух дозалла до аса македонхошна хьалха: «Стохка дуьйна а Ахаера динан тобанаш доггах хӀума яларан гӀуллакхна кийча ю» — бохуш. Шун доггах хиларо царех дукхакберш иракарахИттабора. <sup>3</sup> Ткъа шу долчу аса динан вежарий бохуйту, оха шух дина дозалла эрна а ца хуьлуьйтуш, амма, аса ма-аллара, шу кийча хилийтархьама. <sup>4</sup> Соьца шу долчу македонхой бахкар а нисделла, ткъа шу кийча ца хилар царна дӀахиьнехьара, шу хӀиттина а ца Іаш, шух тешна Іаш долу тхо а юьхӀаьржачу хӀуьттур ма дара! <sup>5</sup> Цундела оцу динан вежаршка дехар дан деза аьлла хийтира суна, уьш сол хьалха шу долчу дӀа а баьхкина, аша хьалххехь ваӀда а деш, лур ду аьлла совгӀат цаьрга

<sup>8:15</sup> Арадакхар 16:18. <sup>8:21</sup> Кицанаш 3:4 (Грекийн).

кечдайттархьама. Цу тайпана и совгӀат, ницкъаца даьккхина а доцуш, ткъа шун-шайн лаамца делларг санна кийча хир ду.

<sup>6</sup> Цу тӀе аса боху: кӀезиг дӀадуьйчо — кӀезиг ялта схьагулдийр ду, ткъа комаьршаллица дӀадуьйчо — алссам ялта схьагулдийр ду. <sup>7</sup> ХӀораммо а шен даго боххучул ло, докко а ца волуш, дала деза аьлла а ца луш. ХӀунда аьлча самукъане а волуш луш верг Далла веза. <sup>8</sup> Делан ницкъ бу шуна мел деш долу дика алсамдалийта. Цу тайпана, массо а хӀуманна тӀехь а, гуттара а шуна мел оьшург хир ду шун, ткъа цунах алссам дуьсур ду шуна муьлхха а дика гӀуллакх дан. <sup>9</sup> Делан Йозанаш тӀехь яздина ма-хиллара:

«Кхоа а ца деш, Цо мискачарна дӀадоькьу.

Цуьнан нийсо гуттара а лелар ю».

<sup>10</sup> ДӀадуьйш волчунна хӀу а, юуш волчунна юург а Кхочуйтушо шуна а хӀу кхочуйтур ду, иза алсам а доккхур ду, ткъа шун нийсонца леларехула Цо шортта ялта лур ду. <sup>11</sup> Иштта муьлххачу а хенахь комаьрша хӀума дӀакховдо алссам хьал а лур ду шуна Цо. ТӀаккха дуккхаммо а, аша комаьршаллица дӀакховдийнарг тхоьгахула дӀа а эчна, Далла баркаллаш бохур ду. <sup>12</sup> ХӀунда аьлча аша кхочушдечу хӀокху гӀуллакхо, Делан нахана оьшург хилийтина а ца Іаш, Далла олу баркаллаш дуккха а тӀехдовлуьйтур ду. <sup>13</sup> Оцу шун гӀуллакхо шух до тоьшалла бахьана долуш, Далла хастамаш бийр бу, нахана хьалха шу тешна болчу Дала леррина Кьобалвинчун хазачу кхоана шу муьтӀахь хиларна а, шайн долахь дерг цаьрца а, кхиболчу массаьрца а комаьршаллица доькьуш шу хиларна а. <sup>14</sup> Шайн дегнашкахь шу дага а докхуйтуш, шуна тӀера доӀанаш дийр ду цара, Дала шуна дина инзаре доккха дика бахьана долуш. <sup>15</sup> Далла баркалла олийла вай, Цуьнан дийцалур а доцу совгӀат баханехь!

*ПахӀала шен динан гӀуллакх лардар*

**10** <sup>1</sup> Шуна дуьхьал волчу хенахь эсала волуш, ткъа дуьхьал воцучу хенахь майра волчу аса, ПахӀала, Дала леррина Кьобалвинчуьнгара долчу эсалаллица а, Цуьнгара болчу кьинхетамца а кхетадо шу. <sup>2</sup> Аса дехар до шуьга, шу долчу веанчу хенахь, тӀех майралла гайта ма дезийталаш сан. Цхьаболчу, тхо кху дуьнен чуьра берш санна лелаш ду бохучарна, и сайн тӀех йолу майралла гайта ваьхьар ву со. <sup>3</sup> ХӀунда аьлча оха, массо а адам санна, кху дуьнен чохь тхьаш доллушехь, цара санна, тӀемаш ца бо. <sup>4</sup> Тхайн тӀемашкахь оха леладол герзаш кху дуьнен чуьра герзаш дац. Мелхо а, Дала цу герзашна Шен ницкъ белла, цаьргахула тхоьга тӀепаш хӀаллакьйтархьама. Мекара ойланаш а, <sup>5</sup> Дела вовзарна дуьхьал лакхайоккху муьлхха а куралла а йохайо оха цаьрца. Муьлххачу а ойланашна цаьрца йийсар до оха, уьш Дала леррина Кьобалвинчунна муьтӀахь ярхьама. <sup>6</sup> Дала леррина Кьобалвинчунна шун муьтӀахь хилар ма-бохху

<sup>9:9</sup> Забур 111:9. <sup>9:10</sup> ЕшаӀ-ЯхӀу 55:10.

кхочушхилла даьлча, тхо кийча ду, цунна дубьхал долчу муьлххачу хIуманна а таIзар дан.

<sup>7</sup>Ткъа гIуллакх билггал муха ду, шу-шаьш хьовсал! Ша Дала леррина Къобалвинчуьнца ву аьлла тешна волчунна хаа деза, тхо а шаьш санна, Цуьнца дуйла. <sup>8</sup>Нагахь аса, шун гIуллакх дохорна а доцуш, ткъа иза то-дархьама, Везачу Эло тхайна деллачу олаллах долу дозаллаш кхин а совдаьхна хилча а, тIаккха а юьхьаIаржачу хIуттур вацара со. <sup>9</sup>Амма шуна ма моттийла, со кехаташца шу кхеро гIерта аьлла. <sup>10</sup>ХIунда аьлча со цавезачара олу: «Цуьнан кехаташ маIна долуш, ницкъ болуш ду, ткъа иза ша дубьхал волуш эгIаза ву, цо до къамел дегаз а ду». <sup>11</sup>И бохуш волчунна хаа деза, тхо шуна юкьахь доцчу хенахь тхайн кехаташ тIехь оха яз деш дерг а, тхо шуна юкьахь долуш оха ден дерг а цхьаь дуйла.

<sup>12</sup>Тхуна ца лаьа шаьш лакхара хеташ болчу цхьаболчаьрца дустадала а, царах тардала а. Цара, шаьш вовшашца а дустуш, дубьх-дубьхал а хIуьттуш, шайн сонталла гойту. <sup>13</sup>Дала тхуна билгалдаьккхинчу гIуллакхан дозанашкахь бен дозаллаш дийр дац оха, ткъа билгалдаьккхинчу гIуллакхан дозанашна юкьахь шу ма ду. <sup>14</sup>Тхайна билгалдаьккхинчу дозанел тIех ца девлира тхо, Дала леррина Къобалвинчух лаьцна болу хаза кхьаь шуьга дIа а кхайкхош, шу долчу тхьаьш кхьаьчча. <sup>15</sup>Дала тхайна деллачу до-занал тIех а девлла, тхьаьш дина доцучу гIуллакхех дозаллаш деш дац тхо. Мелхо а, оха сатуьйсу, шун тешар чIагI а луш, Дала тхьаьшна тIедиллинчул тIех а ца довлуш, кхин а дуккха а гIуллакхаш шуна юкьахь дан. <sup>16</sup>ТIаккха шу долчохь кхайкхийна ца Iаш, шуна генахь болчу кхечу мехкашкахь а кхайкхо йиш хир ю тхан хаза кхьаь. Цу тайпана, кхечу цхьаннан дозанашкахь динчу гIуллакхех дозалла дийр дац оха.

<sup>17</sup>Йозанашкахь ма-аьлла: «Ша дозалла деш волчо Везачу Элах дозалла дан деза». <sup>18</sup>ХIунда аьлча ша-шех дозалла деш верг къобал ца во, амма Везачу Эло дозалла деш верг къобалво.

#### *Харцвекали*

**11** <sup>1</sup>Со жимма сонта хиларна, сатохаьбара аша суна. Билггал сатохийша суна! <sup>2</sup>Дикачу агIор йолу эмгаралла ю сан шуьца, иза Делера а ю. Ас шуна захало дийцира цхьана стагаца, иза Дала леррина Къобалвинарг ву. Цунна хьалха, цIена йоIстаг санна, шу дIахIитто лаьа суна. <sup>3</sup>Амма со кхобру, шен хIилланца лаьхьано Iехийна йолу Хьава санна, Дала леррина Къобалвинчунна догцIена а, даггара а тешаме хиларх мухха а шун хьекьалш ледийр дуй те аьлла. <sup>4</sup>ХIунда аьлча аша самукьадаларца тIеобцу оха шуна хьехнарг а воцуш, кхин Iийса шайна хьобхуш верг. Иштта, тхобгара схьаэцначу Синах а, хазачу кхоах а тера доццушехь, кхин тайпана долу са а, хаза кхьаь а атта тIеобцу аша!

<sup>10:17</sup>Ярми-ЯхIу 9:24. <sup>11:3</sup>Доладалар 3:1-5, 13.

<sup>5</sup>ХIунда аьлча оцу шун «лакхарчу векалел» со цхьана а хIуманна тIехь а оьшуш ца хета суна. <sup>6</sup>Кхочуш хаза къамелаш ца дан там бу аса, амма кхетам тIехь цатоам бац сан. Цунах-м оха массо а хIуманна тIехь шу тешийна.

<sup>7</sup>Хаза кхьаь айса шуна дIакхачош, шуьгара мах а ца боккхуш, шу лакхадархьама, со лахара а хоьтуйтуш лелаш хилча, къа латийна хуьлий те аса? <sup>8</sup>Шуна гIуллакх дархьама, кхечу динан тобанашкара лечкъош верг санна хуьлура со, цаьргара ахча схьа а оьцуш. <sup>9</sup>Шу долчохь тхо долуш, цхьацца хIуманна тIехь тхьаьшна эшам хуьллушехь, шуна цхьанна а бала ца бора оха тхайх. ХIунда аьлча суна оьшуш дерг Македонера баьхкинчу динан вежарша кхочушдора. Массо а хIуманна тIехь шуна сайх бала ца бан гIиртира со, хIинца чул тIаьхьа гIертар а ву. <sup>10</sup>Дала леррина Къобалвинчун бакьдерг билггал сайна чохь хиларца аса чIагIо йо, Аса дозалла дар Ахай-махкахь цхьаммо а соьгара дIадоккхур дац аьлла. <sup>11</sup>ХIун баьхьана ду те цуьнан? Дуй те иза, суна шу ца деза бохург? Далла хаьа, суна шу мел деза!

<sup>12</sup>Амма хIинцалц леллачу тайпана кхидIа а лелар ву со, оцу вукху «векалийн», шаьш тхох тера векалш ду аьлла, дозалла дан йиш ца хилийта. <sup>13</sup>ХIунда аьлча уьш харцвекалш а, мекара гIуллакхдийраш а бу. Цара шаьш Дала леррина Къобалвинчун векалш ду моттуйту. <sup>14</sup>Иза инзарвала хIума дац, хIунда аьлча иблисо ша а моттуйту ша серлонан малик ду. <sup>15</sup>Цундела доккха хIума а дац, нагахь цуьнан гIуллакх деш тIаьхьахIиттинчара шаьш Делан лаамна гIуллакхаш до моттийтича а. Амма церан чаккхе церан гIуллакхашка хьаьжжина хир ю.

#### *Векал волчу ПахIала хьегна баланаш*

<sup>16</sup>Аса юха а боху: цхьанна а со сонта ву ма мотталаш. Ткъа шайна со иштта хеташ велахь а, со сонтаниг санна тIеэцийша, сан жимма а сайх дозалла дан йиш хилийта. <sup>17</sup>Айса дубьцург Везачу Элаца волуш санна ца дубьцу аса, ткъа шен къамелах тешна Iаш волчу сонтачо санна дубьцу. <sup>18</sup>Кху дубьнен чуьра болчара санна, дукхахболчара дозалла деш хилча, аса а дийр ду дозалла. <sup>19</sup>ХIунда аьлча аша, кхетам болуш долчу адамаша, дог дарца садетта оцу сонтачарна. <sup>20</sup>Аша са ма туху, шайх леш дича а, шайна бала бича а, шайга харж яйтича а, шайна кураллаш йича а, шайн юьхь тIе йиттича а. <sup>21</sup>Сайн эхьана эр ду аса, цу тайпана долу гIуллакхаш лело тхан ницкъ ца кхочура.

Нагахь цхьана хIуманна тIехь цхьаь дозалла дан ваьхьаш велахь — аса сонтачо санна боху — со а ваьхьар ву дозалла дан. <sup>22</sup>Уьш Ибархой буй? Со а ву. Уьш исраилхой буй? Со а ву. Уьш ИбрахIиман хIух буй? Со а ву. <sup>23</sup>Уьш Дала леррина Къобалвинчунна гIуллакх дийраш буй? Аса

<sup>11:9</sup>Пилапошка 4:15-18. <sup>11:23</sup>Векалийн 16:23.

хъераваьллачо санна дуьйцу, амма со царал а сов Дала леррина Къобалвинчунна г'уллакх дийриг ву. Цара чул а дукха къахьобгура аса. Царал а дукха набахти чохь воллура. Царна чул а дукха шодмаш еттара суна. Уьш хуьлучул а дукхазза а Южаллин кхерамехь хуьлура со. <sup>24</sup> Ях'удхоша пхьозза шед йиттина суна, х'оразза а ткъе ткъайобсназза а тухуш. <sup>25</sup> Кхузза г'ожмаш йиттина суна. Цкъа т'е т'улгаш кхисина суна. Со т'ехь а волуш, х'ордкема кхузза дуьйхира, аса цъа дей-буьйсий х'орда чохь а даькхира. <sup>26</sup> Мосуьйтгазза араваьлла леларг хилла а лелла со. Т'едевллачу хишкахъара кхерамаш а хилла суна. Талорхошкахъара кхерамаш а хилла суна. Сайн тайпанах болчу нахехъара а кхерамаш хилла. Кхечу къамнашкарчу нахехъара кхерамаш беана. Г'алахь а, яьсачу аренгахь а, х'орда т'ехь а кхерам болуш лелла со. Динан харцвежаршкахъара кхерамаш лайна аса. <sup>27</sup> Иштта къахьобгуш а, болх беш а хилла со. Дукхазза а наб йоцуш а, меца волуш а, хьобах волуш а, кхача боцуш а, шело ловш а, т'еюха бедар йоцуш а хан яьккхина аса. <sup>28</sup> Кхузахь хьахийна х'уманаш доцург, ерриге а динан тобанийн баланийн латкъам кхочу суна. <sup>29</sup> Мила ву г'ело хьобгуш, аса а шеца г'ело хьобгуш воцург? Мила ву галвалийтина, со кийрахь шех вогуш а воцуш?

<sup>30</sup> Аьса дозалла дан дезахь, сайн г'орасиза хиларх дозалла дийр ду аса. <sup>31</sup> Гуттара а декъала волу Веза Эла волчу Гийсан Да волчу вайн Далла хаьа, со харц луьйш воцийла. <sup>32</sup> Со Дамасакхехь волчу хенахь, Х'арти-паччахъан мехкадас Дамасакх-г'алин Юналла дора, со схъалаца дагахь. <sup>33</sup> Ткъа со корехула тускар чохь пенаца охъавайтира. Иштта к'елхъарвелира со цуьнан карара.

*Дала Пах'ална х'иттийна суьрташ а, д'аделладаларш а*

**12** <sup>1</sup> Кхид'а дозалла дан деза сан, цунах бала цъа а тайпана пайда бацахь а. Везачу Эло сайна хъалха х'иттийначу суьртех а, д'адиллинчу х'уманех а лаьцна дуьйцуру ду аса. <sup>2</sup> Суна Дала леррина Къобалвинчуьнца волу цъа стаг везза. Дейтга шо хъалха, (дег'аца я синца ваьккхина ца хаьа суна, иза Далла бен хуур дац) и стаг кхоалг'ачу стигала хъалаваьккхина хилла. <sup>3</sup> И стаг, (дег'аца я синца делахь а, суна иза ца хаьа, цъаьна Далла бен) <sup>4</sup> ялсамане кхачийна. Цигахь цъаьнгте а алалур доцу дешнаш хезна цунна. И дешнаш цъаммо а ала мегар дац. <sup>5</sup> Иштгачу стагах дозалла дойла ю сан. Ткъа сайх дозалла дойла яц сан, сайн г'орасизаллех доцург. <sup>6</sup> Нагахь сайна дозалла дан лиьча а, со сонта хир вац, аса бакъдерг дуьйцу дела. Амма аьса сайх дозаллаш дарх юхауьйзу аса со, шух цъанна соьгара гиначул а, соьгара хезначул а совдерг ца хетадалиятархъама.

<sup>11:24</sup> Карлабаьккхинарг 25:3. <sup>11:25</sup> Векалийн 16:22; Векалийн 14:19. <sup>11:26</sup> Векалийн 9:23; Векалийн 14:5. <sup>11:32, 33</sup> Векалийн 9:23-25.

<sup>7</sup> Делера долу даккхий д'аделладаларш бахъана долуш со кура ца वालीта, сан дег'ах цъа к'юхцал дахийтинера: со хьийзорхъама, иблисан геланча ваийтинера! <sup>8</sup> Везачу Эле кхузза дехнера аса, и к'юхцал сох д'акъастаде аьлла. <sup>9</sup> Ткъа Везачу Эло соьга элира: «Тобар ду хъуна Соьгара долу дика, х'унда аьлча Сан ницкъ хъан г'орасизаллехула кхоччуш гучубоккху». Суна чохь Дала леррина Къобалвинчун ницкъ хилийтархъама, сайн г'орасизаллех долу дозаллаш совдохур ду аса. <sup>10</sup> Дала леррина Къобалвинчун дуьхъа иза хиларна, со реза ву сайн г'орасизаллина а, со дола хетарна а, халонашна а, суна т'аьхъабовларна а, цатемашна а, х'унда аьлча со г'орасиза волччу хенахь сан ницкъ а хуьлу.

*Пах'ала коринтхойн г'айг'а бар*

<sup>11</sup> Сайх сонтаниг вира аса, амма иза аша дайтира соьга. Сох дозаллаш аша дан дезара, х'унда аьлча со х'умма а воцург велахь а, оцу шун «лакхарчу векалел» со цъана а х'уманна т'ехь а оьшуш вац. <sup>12</sup> Шуна юкъахь а хуьлуш, мел долчу собарца со векал хиларан тоьшалла дора ас: аса тамашийна г'уллакхаш а, инзаре х'уманаш а, нуьцкъала г'уллакхаш а дора. <sup>13</sup> Шуна сайх бала ца бар доцург, кхечу динан тобанашца чул шуьца х'ун вон хилира со? Оцу бехкана кьинт'ерадовлалаш суна.

<sup>14</sup> Х'инца кхозлаг'а а шу долчу ван кийча ву со. Аса бала бийр бац шуна сайх. Шуьгара х'умма а ца доьху аса, ткъа шу лъьху. Бераш дац шайн денананна бахам бан дезаш, амма дас-нанас шайн берашна бан беа иза. <sup>15</sup> Лаа а лууш, сайн мел болу бахам а, ур-атталла со-со а д'алур вара ас шун дуьхъа. Шуьга болу сан безам сов а болуш, соьга болу шун безам лаг'лур буй те?

<sup>16</sup> Шу реза хир ду аьлла хета суна, шуьгара х'ума сайна схъа ца эцна ас. Амма цъаболчара боху, аса иза сайн мекарлонашца а, х'илланашца а шуьгара схъаяьккхина. <sup>17</sup> Т'аккха шу долчу веанчу цъанненгахула а сайна пайда ийцирий те аса шуьгара яьккхинчух? <sup>18</sup> Аса Тите шу долчу вахар дийхира, цуьнца цъаьна динан вежарех цъаьх вохуьйтуш. Шуьгара х'умма а схъайицирий цо? Дийриг цъана синехула деш дацара оха, цъаьна новкъахула лелаш дацара тхо?

<sup>19</sup> Тхо шайна хъалха бехказадуьйлу-м ца моьтту те шуна х'инца а? Х'ан-х'а! Дала леррина Къобалвинчуьнца а долуш, оха Далла хъалха боху шуьга. Ткъа и дерриге а, хьоманаш, шу синца ч'аг'дархъама деш ду. <sup>20</sup> Кхоьру со, шу долчу веача, сайна луур доцучу тайпана шу хилла карорна. Иштга со кхоьру, со хила луур доцучу кепехь шуна со караварх. Кхоьру со, шуна юкъахь ишттаниг карадарна: девнаш дийлар, хъаг'и хилар, дералла, шена пайда лехар, мотт беттар, харцдерг кхоллар, кураллаш хилар, низам цахилар. <sup>21</sup> Со кхоьру, шу долчу юхавеача, сан Дала шуна хъалха со лахара хетийтарх. Хъалха кьинош а летийна, ткъа х'инца а сийсаза леларх а, хьарамлонаш леларх а, меттаза леларх а д'а ца бирзина болчу дукхахболчарна т'ехь сайн велха дезарх кхоьру со.



*Хьехамаший, маршаллаший*

**13** <sup>1</sup>Со кхозлагIа а вогу шу долчу. Делан Йозанаша боху: «Шиннан я кхааннан тоьшалло муьлхха а дош чIагIдо». <sup>2</sup>Со шозлагIа веанчу хенахь, аса дIахьедар динера кьинош летош болчаьрга а, кхиболчу мас-саьрга а, ткъа хIинца, со шу долчу дIавале, ас кхин цкъа а дIахоуьйту цаьрга: со юа дIавеача, цхьаннах а кьинхетам бийр бац аса. <sup>3</sup>Соьгахула бохуш верг Дала леррина Къобалвинарг хиларан тоьшалла лобху те аша? Шуьца ларош волу Иза гIорасиза вац. Мелхо а, Цо Шен ницкъ шуна юкьахь гойту. <sup>4</sup>ХIунда аьлча Иза гIорасизниг санна жIарах дIатоьхнехь а, амма Делан ницкъаца дийна ву. Иштта тхо а ду, Цуьнца долуш гIорасиза делахь а, амма шун духьа тхо Делан ницкъаца дехар ду Цуьнца цхьаьна.

<sup>5</sup>Баккъалла а тешарехула шаьш дехаш дуй те аьлла, шаьш-шайн зелаш. Шаьш-шайн талла. Я шуна ца хаьа те, Дала леррина Къобалвина Ийса шуьца вуйла? Я зерах чекх ца девлла те шу? <sup>6</sup>Зерах чекх ца довлалуш тхо ца диснийла шуна хуур ду аьлла, со тешна ву. <sup>7</sup>Оха Деле доIанаш до, шуьга цхьана а тайпана зулам ца дайтар доьхуш. Иза оха ца доьху, тхаьш зерах чекхдевлла хилар гайтархьама, амма тхо зерах чекх ца девлла шуна моьштушехь, шуьга дика дайтархьама доьху. <sup>8</sup>ХIунда аьлча билггал бакъдолчунна духьалдовла ницкъ бац тхан, амма цунна гIоле хIума дан ницкъ болуш ду. <sup>9</sup>Тхо гIорасиза долчу хенахь, шу ницкъ болуш хиларна дакхийдеш ду тхо. Оха Деле доIанаш до, шун кхоччуш кхиар хилар доьхуш. <sup>10</sup>Со шу долчу вале, яздо аса шуьга, шу долчу веача, Везачу Эло сайна хIаллакдан а доцуш, синца чIагIдарна деллачу олаллица со шуьца тIех буьрса ца хилийтархьама.

<sup>11</sup>Чекхволуш, динан вежарий, маршалла ло ас шуьга! Кхоччуш хила гIерталаш, сан кхайкхамашка ладогIалаш, шайн ойланашца цхьаалла йолуш хилалаш, машарца Iелаш. ТIаккха безаман а, машаран а волу Дела шуьца хир ву.

<sup>12</sup>Доггах\* вовшашка маршаллаш хатта.

Делан долахь болчу массара а маршаллаш доуьйту шуьга.

<sup>13</sup>Веза Эла волчу, Дала леррина къобалвинчу Ийсан дика а, Делан безам а, Делан Синан тIекаре а хуьлийла шуьца массаьрца а.

\* 13:12 *Доггах* – ма-дарра аьлча: *Беза барт баккхарца...*